



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH», broj: 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH», broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2018. GODINU BOSS-BOSANSKE STRANKE –MIRNES AJANOVIĆ

## S A D R Ź A J

MIŠLJENJE REVIZORA.....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole.....	5
Cilj pregleda i kontrole .....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1.NALAZI.....	5
5.2. PREPORUKE.....	7

## MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja BOSS-Bosanske stranke-Mirnes Ajanović za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbe poglavlja 15. Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2018. godinu, utvrđeno je da je BOSS-Bosanska stranka-Mirnes Ajanović prekršila odredbe člana 4. stav (1), člana 11. stav (1) i člana 12. stav (1) i stav (4) Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.**

## 1. UVOD

Služba za reviziju finansiranja političkih stranaka izvršila je pregled godišnjeg finansijskih izvještaja BOSS-Bosanske stranke-Mirnes Ajanović za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, BOSS-Bosanska stranka-Mirnes Ajanović se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica ( 3-a )	0,00	0,00
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	178.152,51	99,90
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>178.152,51</b>	<b>99,19</b>
<b>II</b>	<b>Ostali prihodi i drugo</b>	<b>166,40</b>	<b>0,91</b>
	<b>Izvori finansiranja (I+II)</b>	<b>178.318,91</b>	<b>100,00</b>

U godišnjem finansijskom izvještaju za 2018. godinu BOSS-Bosanska stranka-Mirnes Ajanović iskazala je rashode u iznosu od 182.406,25 KM.

## 2. PREDSTAVLJANJE POLITIČKE STRANKE

Naziv političke stranke je BOSS-Bosanska stranka-Mirnes Ajanović. Skraćeni naziv je BOSS.

Politička stranka je registrovana kod Višeg suda u Tuzli, rješenjem broj: R-I-18/94 od 09.05.1994. godine, pod nazivom: Bosanski omladinski savez „BOSS“ Tuzla. Rješenjem Kantonalnog suda u Tuzli od 24.05.2002. godine i rješenjem Općinskog suda u Tuzli, broj: 032-O-Reg-06-000792 od 08.05.2006. godine, upisana je promjena naziva stranke, tako da novi naziv glasi: BOSS-Bosanska stranka-Mirnes Ajanović.

Sjedište političke stranke je u Tuzli, Kojšino 7.

Lice ovlašteno za zastupanje stranke je Mirnes Ajanović, predsjednik.

Lice ovlašteno za podnošenje finansijskih izvještaja za 2018. godinu je Nedžad Zonić.

Prema podacima iz godišnjeg finansijskog izvještaja za 2018. godinu, BOSS-Bosanska stranka-Mirnes Ajanović ima sljedeću organizacionu strukturu:

- Glavni odbor i
- Regionalni odbor u Sarajevu.

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj BOSS-Bosanske stranke-Mirnes Ajanović za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama poglavlja 15. Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

**Obim pregleda i kontrole** finansijskog izvještaja BOSS-Bosanske stranke-Mirnes Ajanović obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

### 4. PRETHODNE KONTROLE I REVIZIJE

Služba za reviziju je izvršila pregled, kontrolu i reviziju finansijskih izvještaja BOSS-Bosanske stranke - Mirnes Ajanović u periodu od 2004. do 2017. godine, nakon kojih su izdati izvještaji o pregledu i reviziji sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2017. godinu, izdat je izvještaj o pregledu sa mišljenjem revizora, nalazima i preporukama stranci da finansijska sredstva koristi isključivo za ostvarivanje ciljeva utvrđenih svojim programom i statutom, da vodi poslovne knjige i podnosi finansijske izvještaje na način koji je utvrđen zakonom i drugim propisima u skladu sa zakonom, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i posebno se stranci skreće pažnja da racionalno troši budžetska finansijska sredstva.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2018. godinu, utvrđeno je da stranka nije ispoštovala preporuke revizije.

### 5. NALAZI I PREPORUKE

#### 5.1. NALAZI

#### **a) BOSS-Bosanska stranka-Mirnes Ajanović je prekršila odredbe člana 4. stav (1) Zakona o finansiranju političkih stranaka<sup>1</sup>.**

- (1) Uvidom u poslovne knjige i dokumentaciju utvrđeno je da je BOSS-Bosanska stranka-Mirnes Ajanović tokom 2018. godine uzimala pod zakup putnička motorna vozila, te je po osnovu korištenja tih vozila evidentirala troškove u ukupnom iznosu od 61.400,00 KM, što čini 33,66% od ukupnih rashoda stranke.

BOSS-Bosanska stranka-Mirnes Ajanović za korištenje motornih vozila isplaćivala je mjesečne naknade fizičkim licima u iznosima od 1.000,00 KM do 1.700,00 KM. Prema podacima iz poslovnih knjiga, stranka je isplatila naknadu Nedžad Zoniću u iznosu od 12.000,00 KM,

---

<sup>1</sup> U skladu sa odredbom člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog zakona može koristiti isključivo za ostvarivanje ciljeva utvrđenih svojim programom i statutom.

Muameru Dediću u iznosu od 12.000,00 KM<sup>2</sup>, Rasimu Smajiću u iznosu od 20.400,00 KM i Harisu Pleho u iznosu od 17.000,00 KM.

Osim razlike u visini naknada za korištenje vozila, evidentno je da je Glavni odbor iznajmio dva motorna vozila, isto kao i Regionalni odbor u Sarajevu, koji nije prijavio ni da koristi prostorije za svoj rad.

Osim navedenog, utvrđeno je da stranka nije imala troškove goriva iako je Regionalni odbor u Sarajevu koristio dva motorna vozila koja su iznajmljena od fizičkih lica, a što je odredbama ugovora o zakupu i predviđeno<sup>3</sup>.

S obzirom da stranka nije evidentirala troškove goriva, nije moguće utvrditi da li su vozila koja je koristio Regionalni odbor u Sarajevu i za koje je plaćena naknada, uopšte i korištena za rad stranke, odnosno u koju svrhu su utrošena finansijska sredstva stranke.

- (2) Politička stranka je za obavljanje administrativno-tehničkih poslova i rada na terenu sa članovima stranke, zaključila ugovore o djelu, kojima su naknade za iste poslove ugovorene u značajno različitim iznosima.

Tokom 2018. godine po osnovu ugovora o djelu BOSS-Bosanska stranka-Mirnes Ajanović je isplatila ukupno 52.289,12 KM, i to: za obavljanje administrativno-tehničkih poslova i rad na terenu sa članovima stranke isplaćene su naknade za pet fizičkih lica u mjesečnim iznosima od 200,00 do 1.100,00 KM, te su isplaćene naknade fizičkom licu za vođenje poslovnih knjiga u iznosu od 600,00 KM mjesečno.

Sve gore navedeno ukazuje na činjenicu da finansijska sredstva stranke nisu trošena isključivo za ostvarivanje ciljeva političke stranke, što je suprotno odredbama 4. stav (1) Zakona o finansiranju političkih stranaka.

**b) BOSS-Bosanska stranka-Mirnes Ajanović prekršila je odredbe člana 11. stav (1) i člana 12. stav (1) i stav (4) Zakona o finansiranju političkih stranaka.**

Na osnovu pregleda godišnjeg finansijskog izvještaja i druge finansijske dokumentacije, utvrđeno je da Bosanska stranka-Mirnes Ajanović nije uspostavila pravilne evidencije o svojim rashodima, čime je prekršila računovodstvene propise i odredbe člana 11. stav (1) i člana 12. stav (1) Zakona o finansiranju političkih stranaka. Stranka nije obrasce godišnjeg finansijskog izvještaja za 2018. godinu popunila u skladu sa Pravilnikom o godišnjim finansijskim izvještajima političkih stranaka - u daljem tekstu: Pravilnik, čime je prekršila odredbe člana 12. stav (4) Zakona o finansiranju političkih stranaka.

- (1) Kontrolom poslovnih knjiga i dostavljene dokumentacije, utvrđeno je da stranka nije uspostavila evidencije o rashodima u skladu računovodstvenim propisima i kontnim planom, troškove nije evidentirala za svaki organizacioni dio pojedinačno, te je troškove iskazala na obrascima 4.1 (režijsko-administrativni i ostali troškovi) i 4.2 (troškovi propagande) Glavnog odbora i Regionalnog odbora, čime je prekršila odredbe člana 7. stav (2) i člana 22. Pravilnika.

Stranka je u poslovnim knjigama troškove ugovora o djelu<sup>4</sup> u ukupnom iznosu od 52.289,12 KM iskazala na kontu 401300-troškovi vođenja administrativno-tehničkih poslova.

Iako je sklopila ugovore o djelu sa fizičkim licima za obavljanje administrativno-tehničkih poslova i rada na terenu sa članovima stranke opštinskih odbora BOSS Centar Sarajevo, Novi

<sup>2</sup> Nedžad Zornić i Muamer Dedić su vozila iznajmili Glavnom odboru, a Rasim Smajić i Haris Pleho Regionalnom odboru stranke.

<sup>3</sup> U ugovorima o zakupu putničkih motornih vozila koji su zaključeni Rasimom Smajićem i Harisom Plehom i ovjereni u Poreznoj upravi FBiH dana 15.01.2018. godine i 07.12.2018. godine, navedeno je da troškove goriva snosi zakupac, tj. BOSS-Bosanska stranka-Mirnes Ajanović.

<sup>4</sup> Troškovi ugovora o djelu se uobičajeno evidentiraju na kontu 408.

grad Sarajevo, Vogošća, Ilijaš, Ilidža, Novo Sarajevo, Stari grad Sarajevo, Tuzla i Travnik, stranka je troškove ugovora o djelu evidentirala na analitičkoj kartici konta 401300-*troškovi vođenja administrativno-tehničkih poslova* na nivou političke stranke, te je iste iskazala u obrascima 4.1 Glavnog odbora i Regionalnog odbora u Sarajevu.

- (2) BOSS-Bosanska stranka-Mirnes Ajanović je u obrascu 1-1 (teritorijalna organizacija političke stranke) prijavila sljedeću organizacionu strukturu: Glavni odbor i Regionalni odbor u Sarajevu.

Kontrolom izvoda sa transakcijskih računa i uvidom u obrazac 3-f (prihodi iz budžeta) godišnjeg finansijskog izvještaja, utvrđeno je da se stranka tokom 2018. godine pored sredstava iz budžeta Kantona Sarajevo i Grada Tuzla, finansirala i sredstvima iz budžeta Grada Sarajeva i općina Gračanica, Travnik i Novi Grad Sarajevo.

Sve navedno, kao i sklapanje ugovora o djelu sa fizičkim licima za obavljanje administrativno-tehničkih poslova i rada ne terenu sa članovima stranke, kako je navedeno u nalazu (1), ukazuje da stranka u godišnjem finansijskom izvještaju nije prijavila sve organizacione odbore stranke, čime je prekršila odredbe člana 10. Pravilnika.

### **Troškovi izborne kampanje**

Prema odredbama člana 15.10 Izbornog zakona Bosne i Hercegovine politička stranka za potrebe izborne kampanje ne smije potrošiti više od 0,30 odnosno 0,20 KM<sup>5</sup> po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, BOSS-Bosanska stranka-Mirnes Ajanović je u svrhu izborne kampanje mogla da potroši 1.718.513,50 KM.

BOSS-Bosanska stranka-Mirnes Ajanović je u godišnjem finansijskom izvještaju za 2018. godinu iskazala troškove izborne kampanje u iznosu 25.866,00 KM.

### **5.2. PREPORUKE**

*Preporučuje se BOSS-Bosanskoj stranci-Mirnes Ajanović da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da finansijska sredstva koristi isključivo za ostvarivanje ciljeva utvrđenih svojim programom i statutom,*
- *da poslovne knjige vodi u skladu sa računovodstvenim propisima, odnosno da vodi pravilne evidencije o rashodima,*
- *da finansijske izvještaje koje podnosi Centralnoj izornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i*
- *da racionalno troši finansijska sredstva koja obezbjeđuje iz budžeta.*

---

<sup>5</sup> Član 15.10 stav (2) propisuje se da se maksimalno dozvoljeni iznos za finansiranje izborne kampanje izračunava što se broj glasača u svojim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta FBiH, članove Parlamentarne skupštine BiH, člana Predsjedništva BiH, predsjednika i potpredsjednika RS, odnosno 20 feninga za izbore za članove kantonalnih skupština.

## **KOMENTAR:**

U ostavljenom roku, BOSS-Bosanska stranka-Mirnes Ajanović je dostavila primjedbe na Preliminarni izvještaj o pregledu godišnjeg finansijskog izvještaja za 2018. godinu. Stranka je uz primjedbe dostavila ovjerene ugovore o zakupu putničkih motornih vozila koje je zaključila sa Nedžadom Zornićem i Muamerom Dedićem, te anekse ugovora o zakupu putničkih motornih vozila sa Rasimom Smajićem i Harisom Plehom, koji nisu ovjereni u Poreznoj upravi FBiH.

Služba za reviziju je u uvažila sve argumentovane primjedbe stranke, te je u skladu sa istima korigovala nalaze revizije iz Preliminarnog izvještaja.

Šef odsjeka za revizijske poslove

Sanja Tošović

Pomoćnik revizora

Mr.sc. Goran Cicović

Šef Službe za reviziju

Mr.sc. Hasida Gušić